



Պ Ա Շ Տ Ո Ն Ա Կ Ա Ն Ք

**ՀԱՅՐԱՊԵՏԱԿԱՆ ՊԱՏՎԻՐԱԿԻ ՀԱՐԱՎԱՅԻՆ
ԱՄԵՐԻԿԱՅԻ՝ ԳԵՐԱՊՈՏԻՎ Տ. ՄԻՈՆ ԵՊԻՍԿՈՊՈՍԻ
ՄԱՆՈՒԿՅԱՆ, ՀԱՐԱԶԱՏԻ ՄԱՅՐ ԱԲՈՌՈ ՍՐԲՈ
ԷԶՄԻԱՄԵՆԻ ԵՎ ՀՈԳԵՄԻՆ ԶԱՎԱԿԻ ՄԵՐՈՒՄ ՆԱԵՎ
ՀԱՄԱՅՆ ՀԱՅՈՒԹՅԱՆ ՀԱՐԱՎ. ԱՄԵՐԻԿԱՅԻ՝ ՈՂԶՈՒՅՆ
ՀԱՅՐԱԿԱՆ ԵՎ ՕՐՀՆՈՒԹՅՈՒՆ ՀԱՅՐԱՊԵՏԱԿԱՆ**

Հայ եկեղեցուն և հայ ժողովրդին նվիրված հոգևորականի էական առաքի-
նություններից մեկն է, որ նա անտրտուն և սիրով հանդես գա և պաշտոնավա-
րե այնտեղ, ուր կոչում է նրան հավատացյալ ժողովուրդը: Մենք այդպիսին ենք
հանաչել Ձեզ և եպիսկոպոսական կոչման արժանացրել և, իբրև այդպիսին,
կարգում ենք Հայրապետական պատվիրակ Հարավային Ամերիկայի, ուր կոչում
է Ձեզ հայ ժողովուրդը և նրան առաջնորդող հոգևոր իշխանությունը:

Միանգամայն վստահ ենք, որ խոհեմություն և իմաստություն կունենա
փութալու Ձեր պաշտոնատեղին և Ձեր ուժերը նվիրելու Հայ եկեղեցու և մեր
սիրելի վտարանդի հայ ժողովրդի վերհեր բուժելու:

Հարավային Ամերիկայի հայ ժողովուրդը եկեղեցաբեր, ազգաբեր, հայրե-
նաբեր և ազգային ավանդություններն ու սրբությունները հարգող ու պահպանող
մի ժողովուրդ է, որ սակայն չորս հատվածներից է կազմված և որոնցից յուրա-
փանշյուրը ղեկավարվում է անկախորեն իր առանձին կանոնադրությամբ: Ան-
հրաժեշտ է վերոհիշյալ չորս հատվածները կապել ու միացնել մի ընդհանուր
կանոնադրությամբ, հար և նման հայրապետահաստատ կանոնադրության,
որով առաջնորդվում են բոլոր Հայրապետական բեմերը: Այդպիսի կանոնա-
դրություն ունի Հյուսիսային Ամերիկայի արևելյան բեմը, որով կարելի է ղե-
կավարվել նոր կանոնադրություն խմբագրելիս: Նոր խմբագրված կանոնադրու-
թյունը պետք է ներկայացնել ի տնօրինություն Ամենայն Հայոց Հայրապե-
տի՝ խնդրելով հաստատել Հարավային Ամերիկայի բեմը՝ վերոհիշյալ չորս
հատվածներից կազմված և Հայրապետահաստատ կանոնադրությամբ առաջ-
նորդի ընտրության իրավունք ստանալ: Ահա առաջին և կարևորագույն լուծե-
լիք հարցը, որ դրվում է Ձեր առաջ և որի լուծումն անհրաժեշտություն է:

Երկրորդ հարցը ձուլման վտանգն է, որ ծառացած է յուրափանշյուր հայ
վտարանդի համայնքի առաջ: Այս վտանգի առաջն առնելու էական միջոցը—
հայրենադարձն է. սակայն, նկատի առնելով, որ ներկայումս, ժամանակավո-
րապես, այդ հարցը կանգ է առել, կարևոր է ազգային ինքնագիտակցությունը
գարգացնել և հայ մշակույթի շնորհիվ պահպանել ընտանիքներում հայ լեզուն,

ազգային ու կրոնական ավանդություններն ու սովորույթները, կազմակերպել հրապարակային մատչելի դասախոսություններ ազգային և եկեղեցական պատմական բեմաներով՝ զորացնելով և, ի հարկին, զարթեցնելով ազգասիրական և հայրենասիրական զգացմունքներ ժողովրդի մեջ: Օտար ամուսնություններից հեռու պահել հայ երիտասարդներին, կանանց և օրիորդներին: Կազմակերպել միություններ և աշխատել, որպեսզի հայ ընտանիքն անարատ հայ մնա:

Երրորդ հարցն է՝ Հայրապետական Աթոռի և Հայրենի երկրի հետ կապն ամուր պահել՝ ծանոթանալով նոցա գործունեության հետ և լուսաբանելով Հայրենի երկրի վերելքը և նորա ներկա վիճակը, որ զորեղ ազդակ է հայ մեալուն: Եթե դուք այս ուղին բռնեք, վստահ եմ, թե հաջողություն կունենաք, համակրություն կշահեք և հեղինակություն ձեռք կբերեք, որ հզորագույնս կեպաստեք Ձեր ձեռնարկների հաջողության:

Իմ սիրելի Հայ ժողովուրդ, յուրաքանչյուր անհատ ձգտում է առողջ և երկար ապրելու. ազգերն ևս ձգտում են նույն նպատակին, որին հասնելու համար անհրաժեշտ է, որ ազգի հատվածները կենտրոնացած լինեն հայրենի երկրում, որպեսզի ազգը ֆիզիկապես զորավոր, տնտեսապես ապահով, կուլտուրապես զարգացած լինի, և մտքի ու զգացմունքի միություն ու նմանություն ունենա: Այս կարևոր պայմաններն ստեղծելու և ժամանակին իրացնելու համար է, որ կարգում ենք Մեր լավագույն եպիսկոպոսներից մեկին Հայրապետական Պատվիրակ՝ ընդառաջելով Ձեր ցանկության: Սակայն այս ծանր բեռը տանելու համար կարևոր է Ձեր աջակցությունը: Իմ սիրելի ժողովուրդ, շրջապատեցե՛ք նորան, զուգուրացե՛ք նորա վերա, տնտեսապես անկարող պահեցե՛ք, և որ գլխավորն է՝ լսեցե՛ք և վստահեցե՛ք նորան, որ նա ֆիզիկապես և մտավորապես կորովի դառնա և արիանա ու աշխատանքի լծվի, որպեսզի մի օր Ձեզ էլ տեսնենք Հայրենի երկրում բախտավոր և երջանիկ Ազգի ծոցում: Եվ մենք մի ցանկություն ունենք. ներքին և արտաքին հայրենադարձի շնորհիվ Հայրենի երկրում տեսնելով հայ ժողովրդին կենտրոնացած և ազգ դարձած, և շնորհիվ իր տոկունության և աշխատասիրության, ֆիզիկապես զորեղ, տնտեսապես հարուստ, կուլտուրապես զարգացած, բախտավոր և երջանիկ, մխիթարվենք ու Մեր բաղձանքին հասած Զաֆարիայի նման գոչենք. «Արդ՝ արձակեա զճառայն քո ի խաղաղութիւն», գոցենք Մեր աչքերը՝ փառք տալով Ամենակալին: Ողջ լեռնի գորացեալ ի հոգոյն Սրբոյ և օրհնեալ ի Տեառնէ և ի Մէնջ. ամէն:

Գեորգ Զ

ԿԱԹՈՂԻԿՈՍ ԵՎ ԾԱՅՐԱԳՈՒՅՆ ՊԱՏՐԻԱՐԿ
ԱՄԵՆԱՅՆ ՀԱՅՈՑ

Տուա կոնդակս ի 5-ն փետրուարի 1952
Փրկչական ամի և ի Տումարիս ՌՆԱ
յուրենբուրգ ամի Հայրապետութեան մերոյ,
ի Ս. ԷԶՄԻԱՄԻՆ